



# КОМСОМОЛОНЪ ВАЙГЯЛЪ

ВЛКСМ-нъ МОРДОВСКИЙ ОБКОМЪ И САРАНСКИЙНЪ ГОРКОМЪ ГАЗЕТАСНА

МАЙТЬ  
22-це шистонза  
1941 низоня  
57(1853)  
Питнец 10 тр.

## ВОЕННАЯ ПРОПАГАНДАТИ—САТОМШКА МЯЛЪ

Мянь од ломаненьке оцю мяльса тонафнесазь «ВКП(б)»-ть историянц Краткай курсонц, коса пяркайста сёрматф сянь колга, кода народсь Ленинонь и Сталинонь руководстваснон ала кеподсь отечественнай вой-на иностраннай захватчикненъ каршес.

Кие од ломаттень эзда аф ёрай арамс военной тевса тяфтама искуснайкс, кода Рабоче-Крестьянский Краснай Армиять прославленнай полководцонза, сонъ маршалонза и генералонза, стама жа мужественнайкс, бойса бесстаршнайкс, кодап ульсть геройхне-самородкатне—Котовский, Чапаев, Лазо, Щорс, Пархоменко.

Вратъ каршес тюремаса красноармеецне, командирхне няфтсь самоотверженность. Советский ломаттеньди массовой героизмась арась характернай чертакс. Аньцек 1940 кизоня воинский подвигоноска орденца и медалса награжденнай пятай 50 тежянь боец, командир и политработник и 400 лама ялгаттеньди присвоиндаф Советский Союзонь Геройнъ звания. Бойхненъ и похоттень колга народсь морей морот, шафни былинат и скат. Искусстванъ и литературанъ областьса выдающай работатненъ ёткас, конаттеньди максфт сталинский премият, почетнай васта занчихть военно-исторический темас произведенийтне.

Од ломаттень пярк оцю интересна военной искусствати. Бойнать колга марксистско-ленинский ученият, Якстерь Армиянь строительстванъ кизефксенъ коряс, военной техникат, стратегият и тактикат колга лекциятне од ломаттень ёткас пользовандайхть пярк оцю популярностьса. Кели распространения получакшихть активонъ военно-исторический конференциятне, конаттень эса комсомолцне подробна разбирадакшнесазь Якстерь Армиять выдающай операциянзон. Кочелаева веледь (Ковылкинский райононъ) средний школанъ комсомолцне ётафтсь конференция, конатт лемтьфоль Чапаевский дивизият боевой кинцты. Доклаттень тиендезь синь комсомолцне. Пярк важна, што эрь комсомолець тя конференцияти сась анокета. Синь эсь ялгаснон мархта тиф доклаттень кулхондодзь пярк оцю мяльса.

Конференциясь, конатт цебарьста арьсеф и организовандаф, максси аф калдяв результатт: од ломаттень нинге сядонга касонды интересна военной тевти. Кочелаеваса тя цебарьста няви сянь эзда, што

комсомолцне военной тевть тонафнемаса няфнихть личнай пример. Синь тонафнихть одивочнай боецонъ тактикат, цебарьста тонадсть малокалибернай винтовкаса ляцема. Сембе комсомолцненъ тани улихть Ворошиловский стрелоконъ значоксна.

Военная пропагандась цебарьста ладяф республиканский политпросветшколаса. Комсомолцне и од ломаттне военной темас сидеста кулхонцткшихть доклатт и лекцият, конаттень организовандамаса инициаторкс ашихть синь, комсомолцне.

Военная пропагандась цебарьста ладяф Чамзинский районца. Тяся райцентранъ и колхознай комсомолцненди командирь-инструкторсь Турьлев ялгась мекольдён пингть моратфсь лама лекция таниень войнаса авиацият, артиллерият и танкаттень рольсон колга. Тяда башка, школаттень эса ученикненди тифоль кемотть беседа Якстерь Армиянь геройхненъ замечательнай подвигоносон колга.

Эрь комсомольский организацияти од ломаттень ёткас эрви фалу вятеме военной пропаганда стане, штоба эрь од ломань лама содалъ войнать колга, кода стака тевонъ колга, конатт вешти оцю знания, физический виный оцю напряжения, дисциплина.

Военно-исторический конференциятне—пропаганданъ пярк цебарь форма. Синь касфнесазь участникненъ кругозорсон, сувафнихть кельгома военной тевти. Ашихть фкя инъ цебарь средствакс будущай боецонъ воспитандамаса.

Боевой традициятненъ мархта знакомндамась кепсесыне од ломаттень мяльсон военной тевть крхкаста тонафнеманцты, эсь теласнон и воляснон тренировандамаснонды. Пярк цебарь, што конференциятненъ эса од ломаттне подробна сотчихть аф аньцек ингольдень сражениятненъ колга, но и Якстерь Армияса тонафнеманъ од метоттень колганга, конатт ёфси малатфт боевой обстановкати.

Од ломаттень военной обученисна аф эрви полямсразнай шумихати и парадности. Тяфта жа аф эрви панемс лама лекциянъ лувксть инкса. Пярк важна, штоба од ломаттень ёткас сембе военной пропагандась ётафневоль высокай идейно-политический уровеньса. Тя нинге сядонга пярк кеподсьне од ломаттень интереснон военной тевть цебарьста тонафнеманцты.

## ИСПЫТАНИЯНЪ ВАСЕНЦЕ ШИТНЕ



СНИМКАСА: Саранскийнъ 1-це № школаса А. Н. Наумкина учительницась примайт испытаният географият коряс 5-це „В“ класса.

Фотось Ивенинтъ.

### Организованность

Шовдава. Пингсь 8 частт. Но 1-це № средний школатъ учебнай кабинетонза ульсть пярксет жизнерадостнай, бодрай, праздничнайста наряжаф итта.

Часттень минутнай стрелкасна арась 9 лангс. Эстакиге школатъ коридоронзон эса пинъязевсь электрический звонокс.

Пярк аккуратна, азф пингти, классу сувась физиканъ преподавательсь Попканцева Ольга Васильевнась, конатт шумбракстомда меле азозе ученикненди, што классъ тачи кирди испытаният устна физикатъ коряс. Васенце билетт получазе Шумилина Юлиась. Сон сёрматф кизефксенди отвечае аньцек отличнайста.

9 «А» классонъ ученикне васень испытаниятненъ эса няфтсь прочнай содамшит. 35 ученикть эзда 14 учениксь испытаниятненъ максозь отличнайста. 11 цебарьста и 10—посредственна.

1-це № школаса майть 20-це шистонза испытаният кирдоть сембе классонъ ученикне. Васень испытаниятне ётасть пярк организованнайста.

Саранск ош.

Юнкин.

### ДОЛГСНОН ПЯШКОДЕЗЪ

Аф кржа ученик тонафнемас кизотъ успешнайста адаманинкса тюрсть пярк упорнайста.

Од Выселка велень средний школанъ пионерхне: Булкин Лешасъ и Маргаев Панкратъ тонафнема кизотъ сембе дисциплинаттень коряс аделазь отличнай оценокса. Ня кафцке пионерхне аф калдяв результатт няфнихть испытаниятненъ эсовок.

Лобурев.

3-Полянский район.

### ИСПЫТАНИЯНЪ ВАСЕНЦЕ ШИНЯ

Пингорфтозь пайгоняйт. Сембе ученикне эряскодозь сувсихть классенди.

Вов 9-це «А» классъ. Школьникне ашихть вастоваст и учихть, мзярда сувай химиянь преподавательсь Рябаевсь. Сувась. Ушедсть испытаниятне. Лама ученик цебарьста анокласть тя дисциплинатъ коряс. Лама кагод эрявсь вадендемс, штоба тонадомс тя или тона формулатъ. И вов сась ся пингсь, мзярда эрь учениксь няфтсь, кодама содамши сон сясь тядень тонафнема кизоня.

Ученикне ушедсть отвечама билетста и учительт, ассистентт кизефкснон лангс. Пятай сембе отвечайхть цебарьста и отличнайста. Пярк кржа стама ученикта, штоба калдявста содалезь ётаф материалъ.

Отвечай школанъ комсомольский организацият секретарец Саяпинась. Сон тонафнесь сембе дисциплинаттень коряс аньцек отличнайста и лама лездсь калдявста тонафни ялганзонды, конатт тани сонъ лезсонц вельде кармасть тонафнема цебарьста. Сон тачингье отвечае сембе кизефксенъ коряс, и учительсь, ассистентсь тяттсть кагодснон лангс почетнай вал «отлична». Тяфтама ученикта класса лама. Стане жа отличнайста участь Алехина Татьянась, Заварцева Мариясь, Профиловась. Цебарьста отвечае Солдаткинась, Осиповась, Косовсь и лиятне.

Эрви азомс ся, што лама ученик тонафнесь химият

коряс посредственнайста, а тачи цебарьста повторяндамокс материалъ, отвечайхть аньцек цебарьста. Тяфта отвечае Плодухина Тамарась. Сон тонафнесь химияса «посредственна» отметка мархта, а испытанияса отвечае сембе кизефксенъ каршес и получае цебарь отметка.

5-це «С» класса ульсь контрольная работа рузонъ кяльть коряс. Тя ульсь сембода напряженной испытаниясь, сон вешти оцю внимания. Эрви цебарьста кулемс эрь валть произношениянц, штоба правльнайста сёрмадомс сонъ.

Аф калдявста ученикне сёрмадозь диктантть. Алешинась, Зотовась, Магдеев Юрийсь, Макаровась и лиятне диктантть сёрмадозь отличнайста. Тяда башка, лама ученик, кода Бадаевась, Громовсь и лиятне, сёрмадозь цебарьста.

Контрольная работа ётафтф 4-це «А» класса, коса пионерхне: Зимин Владимирсь, Дубровскаясь, Зимсков Виталийсь, Крайков Валентинъ, Орешинась и лиятне сёрмадозь ёфси ошибкафтома.

Цебарь результатт няфтсь 6-це «Б» классонъ ученикне письменнай работаса алгебрать коряс. 9 ломатт получаст отличнай отметкат, а илядыхне цебарь и посредственной.

Отличнайста сёрмадозь письменнай работаснон Осипов Мишась, Фалилеевсь, Савинась, Храмовсь, Башкирова Мариясь и лиятне.

А. Малькин.

Саранск ош, 14 № школасъ.

### ЦЕБАРЬ РЕЗУЛЬТАТТ

Прина Афанасьевна Толстых анокласть эсь пингстонза штамп мархта листт. Тязя кармайт сёрмадома выпускникне—10 «Б» классонъ ученикне. Максф контрольной работанъ сёрмадомс колма частт. Иотасфкя частт и 30 минута. Новикова Антонинась максессы контрольной работанц. Мель-

ганза Шалимов Александръ, Шишкина Людмилась и лият. Колма частть вастедеситкласникне максозь эсь работаснон кафта частонъ пингста. 25 работат эзда 16-тне отличнайхть, 5 цебарьхть, 4 посредственнайхть.

Богомолов.

Саранск ош, 12-це № школасъ

### Испытаниятненди аноклайхть дружнайста

Республиканский политпросветшколасъ учебнай планонц аделазе полнайста.

Тихомирова и Заводов ялгатне эсь предметсон коряс расписанияс коре ётафнихть дополнительнай занятият и тиендихть консультацият.

Испытаниятненди цебарьста анокласть ученикне Чудаев Петясь, Суслина Настясь, Романихинась, Ударовась и лиятне.

3. Вельмискин.

Краснослободский ош.



# ПЯШКОТЪКШНЕСАСЬК ВКП(б)-нъ XVIII-це КОНФЕРЕНЦИЯТЪ РЕШЕНИЯЗОН

## 1. Тяфта тонафтомс работам а эрь комсомолецъ

Эсь работанц комсомольский организациясь Саранский котониннай фабрикаса XVIII Всесоюзнай партконференцияда меле ушедозе сянъ эзда, што откстоптозе эсь руководстванц, комитетста диктезень сятнень, конат аф маштихть работам а. Комитету састь од инициативнай комсомолецт, секретарькс кочкафоль Ворожейкин ялгасъ.

Журок ульсь кочкафт цехнень эса од комсоркт: Яцентюк, Трофимов и Шеренкулов ялгасъ.

Работать ушедозе комсомольский организациясь башка эрь комсомолецт эзда:

— Кода ащи тонъ работам а вастне?

— Кода тон работат?

Фабрикаса минъ кулеме тяфтама фразы: минъ комсомолецт кочкафоль шарфтозь шамаснон производстватъ шири.

Ня питнень комсомолонь комитетт секретарь Ворожейкин ялгасъ эсь комбинатонза корхнень Николаенков комсомолецт мархта, кова работай мастеркс картоннай цехса, корхтамста секретарькс комсомолецт няфнень график: мзяра сменасъ максъ продукцияда, мзяра этафтисъ энергияда, парда и ведата.

Цифрасъ, кода корхнихть, вешасъ упрямый. И тяса фкя цифрасъ сашкава упрямиста вань комсомолецт шамас, нильне лисъ графикста... Сменасъ вельф этафтисъ энергиять.

Секретарь няфнень графикт, а комсомолецт няфнень сачислатъ, мзяра тивесъ перерасход. Николаенковс—цебарь производственник, сон лац шарькодезе секретарьт, мезе тона вешъ азомда.

Секретарь тяфтама беседанза комсомолецт мархта пик лездыхть тевти.

Котониннай фабриканъ комсомолецт смелста шарондыхть эсь производстваснон шаманц шири. Комсомолецт ламоснон аф визькс ваномс шаманда шамас производстватъ лангс. Пцтай сембе комсомолецт вельф пашкотъкшнесаз эсь производстваснон нормаснон. Дружинина комсомолкас—стахановкас жовста-ковс вельф пашкотъкшнесы норманц. Вов сонъ показателенза: январьста—106,9 процент; мартста—147,5; апрельста—143,5 процент.

ВЛКСМ-нъ комитетт заседаниса, коса комитетт членец Трофимова ялгасъ азондъ комсомолецт производстваснон работаснон колга, корхтасъ социалистический соревнованить колга.

— Эряви, штоба аф анык пашкодемс норматъ, а вельф пашкодемс сонъ. Сяда башка, кода-кода нормасъ ульсь пашкотъкшнень этай конья, то аф эряви кирьфтамс ти сатфкеть тани, а сядонга касфтомс сонъ. Кепотъксонди: кда апрельста комсомолецт пашкодезе норманц 120 проценте, то майста тейнза аф эряви мирендмс ёлма цифратъ мархта, эряви максомс сяда лама. —Вов таны веши комсомольский организациясь эрь комсомолецт эзда.

Тяфта и работайхть ламосна комсомолецт эзда. Мухина комсомолкас пап-машинаса

январьста сатс 100,8 процент, мартста—142,2, а апрельста—143,8 процент. Или вов Бурмистрова комсомолкатъ работат: январьста—110,8; мартста—142,8; апрельста—143,8 процент.

Тяфта тонафтомс работам а эрь комсомолецт—тянка комсомольский организациясь тюри котониннай фабрикаса.

## 2. Хозяйский смекалка

Мезе тии ведень фкя кубометрасъ?

Несколько трешник, пцтай пустак. А ведата вона мзяра перфцияле, сяфть, мзяра кельк.

И котониннай фабрикаса сявондесъ ведть и этафнесь, кода пов и коза аф эряви. Кодак сменасъ аделасы работанц, уборщицатне нильне тямотка ашестъ сявонде кядезост, пожарнай брандсбойхне ведень оцю и вици струясост сембе сортъ панцезъ ужес, а тоста каймоса ломаттне ёрсекшнесь ушу.

А вдь промышленностьса ведьске мезе-мезе да тии. Эряви лувомс. Путеть счетчик. Кармасть ведть ванфтома. Тяни сонъ аф жольняфтсазъ фабрикатъ келес, 400 процентта сяда кржа кармасть этафтома ведата. Тяконъ мархта рянок кармасть ванфтома партъ, энергиять. Сембонъ таны лувозъ и лисъ: — 30 тежянь цалковай!

Вов мезе тии ведс.

И тя экономить синь ванфтозъ XVIII Всесоюзнай партийнай конференцияда меле.

## 3. Ваномок крандаскыть лангс

Яцентюк комсомолецт работай мастеронъ помощниккс картоннай цехса. Сон лац солдасы эсь производстванц и тевоц, сон активнай комсомолецт, комсорг.

— Ваномок ящиктъ (крандаскыть), конанъ эса усексезъ свареннай костратъ,—корхтай Яцентюк ялгасъ,—мон тивень вывод, што крандаскыть хотъ и цебарь, но пик аф удобнай:

штоба шамдомс сонъ, работайхть эряви комамс, сатомс костратъ и ёрямс. Тяфта этай лама вижда и пинкта.

Можна ти крандаскыть пецтмс? Можна, эряви тиес фкя наклезкани стане, штоба сон панцсволь. Эста, кодак панцсак наклезкани (фкя ширени), свареннай кострасъ сонъ пияри.

Тя рационализаторский предложениясь примаф и сон макссы оцю польза фабрикати.

Кизоста-кизос картоннай цехс ашезе пашкотъкшнесь эсь планонц. Сембода оцю пашкотъкшнесь сатнесъ анык 75 процент.

Тяде васень кварталста планъ ульсь пашкотъкшнесь. Цехонъ коллективс (а цехса ламоч комсомолецт и од работайхть, цехонъ начальникс—ВЛКСМ-нъ комитетт секретарь) кармасть марьям сянъ, што анык сонъ эздонза ащи плантъ графиктъ коряс пашкодеман.

Ворожейкин ялгасъ, ваномок пап-машинатъ работанц, тисъ вывод, што можна вишкптемс барабантъ работанц. Сон максъ рационализаторский предложения и кармасть лангсонза работам а.

Мезе максъ ты предложениасъ?

Сянъ, што сяда лама кармасть нолдама картонда (вишкптезе плантъ пашкодеманц), и максъ 90 тежянь цалковай экономия кизоти.

Худнев и Ворожейкин ялгасъ марстонъ рационализаторский предложениясна картононъ касфтоматъ цебарьгофтоманц колга стане жа максъ кизоти кафта сядошка тежянь цалковай экономия.

— XVIII Всесоюзнай партийнай конференцияда меле,—корхтай Ворожейкин ялгасъ,—минъ комсомолецт, особенна активс, кармасть сяда пик интересованда эсь производстваснон эряфонц мархта, ла-

мосна комсомолецтнень цехса работайхть мастеркс, мастеронъ помощниккс и старандайхть цебарьгофтомс работанъ метотнень. Конференцияда меле особенна лама макссеви рационализаторский предложения и синь эздот сембода цебарьхнень этафнесазъ эряфс.

## 4. Мезе стамс фкя процентс?

Йофси лиякс эряи и работай комсомольский организациясь котониннай фабрикаса XVIII Всесоюзнай партийнай конференцияда меле. Сякокс аш кода нинге марьгомс, што сембе тиф ни.

Улихть нинге комсомолецтнень ёткаса стама ялгатка, конатнень сембе сяка, сяда проценте пашкотъкшнень планъ или аф, ули экономия или аш, кирьфнень себестоимостъ или сон ащи сякокс. ВЛКСМ-нъ комитетс пачфнесыне комсомолецтнень сознаниасъ партийнай конференциять решениязон общайста, явондомок эсь производстванц эзда, сянъ эзда, кода комсомолецтнень пашкотъкшнесаз эсь нормаснон.

Фкясъ пашкотъкшнесы норматъ, омбоцесъ вельф сонъ пашкотъкшнесы, пусть хотъ фкя процентта. А мезе стамс фкя процентс? Мезе сон тии фабрикатъ балансон эса?

Ня и лия кизефкснень волнует рядовой комсомолецтнень, но комсомолецтнень мархта бедасе синь нинге ётнесыне вакса комсомольский активс.

Стане жа аш нинге кодамовок технический пропаганда комсомолецтнень ёткаса, аш технический учеба. Ня кизефкснень эрявихть путомс комсомольский активъ эрь шинь работазона.

К. Алексеев.

## ИНТЕРЕСНАЯ РАБОТА

Минь, пионеркатне, мзяра сывоме шефства вазнянень Лангса, кой-кона ученикне рахсезъ эсонк, но ня рахсезматнень шири мильге ашеме шарфне, сяс мес минъ цебарьста шарькодезс, што вда эрь пионеркасъ цебарьста воспитандасы эсь вазнянц—ти минъ родинаньконди оцю подарка.

Васенда моя шефствованданъ фкя «Адам» вазнять лангса, а тани шефства вятян колма вазнянь лангса, и тя шефствать тиендсы нинге сядонга интереснайкс, сядонга содержательнайкс, сядонга полезнайкс.

Кода этафнеса шефствать вазнянень лангса? Школаста занятияда меле саян куду, обедан и туян эсь вазняненьди. Чистендасъ синь, сяда меле нолневихть прогулкас, а тя пингтъ эзда чистендасъ клеткаснень. А тоса симчасъ синь и мактама ярхцамблялейст. Синь мельгаст акамасъ пик интересна.

Вазнянень лангса шефствада башка мон ашан пионерский отрядонъ советса председателкс, но шефствать и общественнай работасъ, конанъ мон вятян отряда, тейне цебарьста тонафнемаса аф шоряхть. Мон тонафнян анык цебарьста и отличнайста.

Усынина Шурасъ, Инсарский средняй школанъ 7-це «Г» классонъ ученикасъ.

## Раштай жувананъ поголовьясь

«Маяк революции» колхозса цебарьста моли козхозникненьди трудсон инкса дополнительнай пандоматъ колга СССР-нъ Совнаркомъ и ВКП(б)-нъ ЦК-ть постановленияснон азондомасна. Тянь вельде ламода цебарьгодс жуванатнень мельге акамасъ. Тяни жуванатнень мельге акама кемокстафт колхозтъ инъ цебарь ломаненза, конат няфнихть трудти честнай и добросовестнай отношения. Райсоветонъ депутатс С. И. Мирошкинъ кемокстафт МТФ-ти работам а и получасть тя кизона приплодта 11 вазня. Аверкин. Ковылкинский район.

## ЛАДЯМС РАБОТАТЬ РИТМИЧНАЙСТА

XVIII-це Всесоюзнай партийнай конференцияда меле Саровский машиностроительнай заводонъ комсомольский организациясь кемоста кярмодс сонъ решениязон эряфс этафтомаснонды. Мольфтьс и мольфтихть оцю работа металлонъ, горючайнъ, электроэнергиянь экономить коряс. Тянь вельде апрельтъ кафксонъ шинцты комсомольский организациясь заводти максъ экономия 15.560 цалковайнъ питне. Тистъ порядок цехса и рабочей васттненьди.

Саровский машиностроительнай заводс кафта кизоста ашезе пашкотъкшнесь производстваснон планонц. Конференцияда меле заводонъ коллективс, сувамок социалистический соревнованиса, сатс производстваснон оцю сатфкст. Тянди результатке арасъ ся, што апрельский планонц товарнай продукциять нолдаманц коряс пашкодезе 116 процентс.

Ушеды ты подъеми инициаторкс ашихть замечательнай ломатъ, конат каннесаз комсомолонъ членонъ лемтъ. Няненъ ёткаса 1-це № цехонъ токарс Круглов комсомолецт, кова производстваснон заданианц фалу пашкотъкшнесы 250 процентс. Тяка жа цехонъ бригадирхне Волгин и Каласкин ялгатне максихть сменаста кафтонъ норма. И тяфтама ломаньда аф кржа заводса.

Мезе тистъ комсомолецтнень—тя сембе цебарь. Но мезьса азондоси ся, што тячнень шить самс фкявок цех аф пашкотъкшнесы суточной графиконц, работайхть аф ритмичнайста, эрьси оцю брак, а колмоце № цехса браксъ улени башка деталхнень коряс 80 процент. 1-це № цехс тиенди лама отступленийт чертежнень коряс, апак машфтт наличнай оборудованянъ простохне. Тянь сюнеда Макаровъ и Куликов комсомолецтнень нормаснон аф

пашкотъкшнесазъ.

Ня фактне корхтайхть сянъ колга, што комсомольский организациясь узкайста шарькодезе партийнай конференциять решениязон. Синь шарфтьс миль экономить инкса тюрематъ шири, тяка пингтъ юкснесаз главнай—ритмичнайста работам ать. Комсомольский организациати пик оцю аф сатыксокс ащи ся, што сон аф вяти руководства комсомолецтнень тонафнемаснон лангса.

Комсомолецтнень и аф союзнай од ломаттнень квалификацияснон касфтомаснон инкса ульсь организованда стахановский школа, конаса фатфоль 202 ломанъ. Но ня школатнень эзда работасъ анык 25. ВЛКСМ-нъ комитетс тяфта жа аф занимадондакшни ВКП(б)-нъ XVIII-це конференциять решениязон азондомаснон мархта. Тяимс аф вяти решительнай тюрема бракоделхнень каршес. Февральста 64 комсомолецт тисъ брак, а мартста—13. Хотъ и бракоделхнень лувксена кирс, но браксъ сембе сяка педа-пес апак машфт.

ВЛКСМ-нъ Мордовский Обкомъ бюрок эсь решениясонза 1941-не кизонъ майтъ 16-це шинц эзда разрешил Саровский машиностроительнай заводонъ, Рузаевка станцияса вагоннай и паровознай депонъ комсомольский организациатнень производстванъ условиянь коряс этафнемс общезаводской и сменнай собраният, а Саровский машиностроительнай заводонъ 2-це № цехонъ комсомольский организациати разрешеннай этафнемс сменнай и цеховой комсомольский собраният.

Тяста шарькодеви, што ня собраниятнень эса можна сяда цебарьста няфтемс производствать эряфонц.

Лама нинге эряви тиес, штоба сатолезъ комсомолецтнень производстваса эсь авангарднай рольсон. Эрь комсомолецт долгон—работамс стане, кода таны вешсы XVIII-це партийнай конференциясь.

Г. Степанов.



# МОЛОДНЯКТЬ МЕЛЬГЕ ЯКАМАСА ЮНАЙ ШЕФНЕ

## ЮННАТТНЕНЬ ЛЕЗКСНОН ВЕЛЬДЕ

Инсарский средний школань ученикне-юннатне вятихть шефства Желябовть лемса совхозть вазнянзон и вазнянзон лангса, и эряви азомс, што иттенень ты благороднай тевсна совхозть максихть пик оцю лезкс.

Эрь конюхть мельге кемокс-неви 20 вазня. Конешна, коиухсь ськамонза воспитандамс синь неможет. Но юннаттнень лезкснон вельде твса эрь вазнясь и вазнясь касфневи нормальнайста. Вазнятне эрь шиня цебарьста чистендакшне-вихть, полявихть прогулкас, сьда оцюфне тонафневихть организованнайста ласте и крангазса якама.

Аньпек 1940 кизоня тунда совхозсь юннаттнень кядьста получась 16 алаша, а ты кизоня—13 алаша, конат твни работайхть пакснень работатнень эса. Твни юннаттне воспитандайхть 42 вазня.

Шефстваса цебарь кепотьхть няфнихть 8-це классонь учениксь Андиянов Колясь (юнай шефнень организаторсна), 3-це классонь учениксь Муравьев Ленась, 4-це классонь учениксь Солодаев Мишась, Кулайкин Егорсь, Горбунов Володась, Полуектова Таясь, Полуектова Любась, Горбунова Валясь и Кузнецова Клавдась.

Вазнятнень лангса шефства вятихть 16 ученица, конат эсь питомецнон пик аккуратна чистендакшнесазь, полясазь прогулкас. Вазнятнень мельге шебарь угодсь тяфта жа макс-си аф калдяв результатт. Кепотьхсонди, 1940 кизоня 6 коновь возрастс модемс эрь вазняти кажнай шиня прибавакшнесь 1 килограмма 112 грамм сталма, а кой-кона вазнятнени—1 килограмма 500 грамм сталма.

Эряви азомс, што кой-кона юннаттнень шефстваснонды аф максихть кодамовок значения, но ты пик оцю эльбияткс.

Желябовть лемса совхозть молоднякони шефонза цебарь работанкса 1940 кизоня кучф-тольхть ВСХВ-нь участникс и ты кизонянге кемокстафт ВСХВ-в участиконди кандидатс.

В. Д. АНДИЯНОВ,

Желябовть лемса совхозть зоотехникон.



Вашенятнень мельге якамаса шефне

СНИМКАСА: Кержи ширде видити. 1-це рядса—Куцайкин (3-це класс) и Виктор Синякин (7 кл.). Омбоце рядса Е. Баймаковский (8 кл.), Л. Туркин (8 кл.) и В. Горбунов.

## ОЦЮ ВИЙ

Районца молоднякть лангса шефствондама инь васенда кармасть Инсарский средний школань ученикне.

Инсарский средний школань пионерхнень ты цебарь почицнон курокста содазь районь сембе школатнень эса. Сянь колга, кода эряви якамс молоднякть мельге, иттенди класснень эса азонткшнесь учительхне, отраттнень эса—пионервожатайхне и колхознень эса—комсомолецне.

Курокста районца колхозонь ферматнени сась 241 идь. Синь конюхнень и телятницатнень эзда тонафнесь вазнятнень и вазнятнень мельге якама. Твни эсь питомецнон синь аннесазь, симнесазь, чистендакшнесазь, алдост урядакшнихть назепнен и асикхть коське шужарьхть.

Тя од животновоттнень работаснон тиендсь нинге сядонга содержательнойкс. Твни Желябовть лемса колхозонь молоднякть мельге якай 60 пионер, конатнень эзда 18 пераня и 4 стирнат—нят вятихть шефства вазнятнень лангса, а 38 стирнась вазнятнень лангса.

Пионерхнень питомецсна, конатнень эзда сембоц 317 вазня и вазня, сембе средний и вышесредний упитанностьсот. Тянь юнай животновоттне сатозь молоднякть мельге заботливайста якамать вельде.

Ваймама питнень эзда юнай шефне тонафнесазь эсь питомецнон перяф вельф комотнеме, крангазса якама. Пионеркатнень: Полуектова Таять, Кузнецова Клавдять, Полуектова Любать и Горбунова Валять вазнясна лувондовихть сембондонга цебарькс. Синь ласте и крангазса якайхть эфси цебарьста.

Юнай конюхне и телятникне сидеста якайхть советонкса ветврачнени, штоба ты или тона аф шарьхкодеви кизефксти получамс эрживкс ответ.

Пионерхне и пионеркатне пик кельгсазь эсь питомецнон, а сят тяфта жа тонадсть эсь од хозяйничонды.

Юнай животновоттне эсь работасот оцю лезкс получакинихть Идень технический станциять эзда. Иттенди твса сельскохозяйственнай разнай кизефкснень коряс аккуратнайста тиендехихть интереснай лекцият и консультацият, а ламоц синь эздост асикхть юнай животноводонь кружокса слушателькс.

Совхозонь дирекциясь и животноводствань рабочайхне юнай животновоттнень работаснон мархта пик довольнайхть. Юннаттне достойнай работанкса ты кизотьке кемокстафт Всесоюзной сельскохозяйственной выставкав участиконди кандидаткс.

Дм. Родин.

## ШЕФСТВАСЬ—БЛАГОРОДНАЙ ТЕВ

Пионерский отрядонь фкя сборсонк старшай вожатайсь пионерхнени и пионеркатнени тиендсь интереснай беседа молоднякть лангса шефствать колга. Ты беседада меле минь эздонк аф кржась кармасть шефствондама Желябовть лемса совхозонь молоднякть лангса.

Мон благодарнай тевти кярмодень ты кизонь январьста, и кармань шефствондама «Альфа» вазнять лангса. Сави азомс, што «Альфась» васенда эсь принц вьезде пик дикайста: сон нльне афи нолялемань малазонзонга, а кой-коста ворготькшнесь эздон, но курокста «Альфась» тонадомань монь.

Сявомок шефствань васень питнень эздакиге, мон «Альфати» якален эрь шиня. И кодак молян телятники, васендакиге твня порядк сонь эрйама вастозонза (клетказонза), мезьда меле «Альфать» чистендаса и симца. Цебарь ухотть вельде сонь сталмоц шисташне сьда касондсь.

Но «Альфать» мельге тейне якамс савсь аф ламос, сяс мес сонь максозь колхозу. Виде, сонь эздонза тейне явомс ульсь пик стака.

Тяда меле сявомон шефства «Пират» вазнять лангса, конань мельге мон якан тяфта жа пик заботливайста.

Вазнятнень лангса шефствать мон сочетаю школаса цебарьста тонафнемать мархта.

Голова Марусась,

Средний школань 7-це «Г» классонь ученицась.

## МОНЬ ВАЗНЯНЕ ЦЕБАРЬ УПИТАННОСТЬСОТ

«Букет» и «Аида» вазнятне, конатнень лангса мон ветиан шефства, васенда эсь прыснон вьезде сяшкава зарникста, што кой-коста нльне тюрендельхть, и эста синь упитанностьсноткс ульсь пик калдяв. Но твни, кода мон кармань синь мелгаст якама, арасть аф содавикс: синь бодрайхть, веслат, шумбрат и цебарь упитанностьсот.

Тянь мон сатыне синь мелгаст честнайста и заботливайста якамать вельде.

Станскова Таясь.

## Вишкотеми кроссти анокламать

Кафкса шидя меле ушеды республиканский газетатнень лемса массовой комсомольский кроссь. Илядыкс шитнень комсомольский организациятнени эряви использовандамс стане, штоба васьфтемс кроссь сембе ширде аноклафта. Ласькомать коряс кроссь этафтомаса комсомольский организациятнени эряви использовандамс этай кросснень опытнон.

Лама районга ты мероприя-тияти мольфтеви анокламать оцю работа. ВЛКСМ-нь Зубово-Полянский районнай комсомольский организациясь, занямок гимнастический соревновани-нень эса республикаса васенце вастть, мольфти тренировочнай занятият.


Чамзинский, Козловский и Темниковский райоттнень эса аф кржа комсомольский организация мольфтихть регулярнайста тренировочнай занятият. Темниковский райононь пожарнай охранань первичнай комсомольский организациясь (секретарсь Целиков ялгась) этафтф колма тренировочнай занятият. Чамзинский средний школаса (секретарсь Злобин ялгась) тренировандай 500-шка комсомолец. Тяка жа районца «Красный свиновод» совхозонь комсомольский организациясь (секретарсь Романова ялгась) пуроптф ниле командат, конат кунара ни мольфтихть тренировочнай занятият кроссти.

Но улихть ВЛКСМ-нь райкомт ты тевти сатомшка мяль аф шарфнихть. Теньгушевский, Ельниковский районнай комсомольский организациятне гимнастический соревнованьяса сатозь инь мекольдень васттнень. Тянь эзда кодамовок вывотт асешть тие. Теньгушевский районца ВЛКСМ-нь райкомть секретарец Казанцев ялгась эфси мезевок аф тиенди кроссти анокламаса. А кой-кона комсомольский организациянь секретарьхне аф содасазь, кодама кросс кармай улема. Нинге сядонга калдяв ся, што физкультурань райинспекторсь Сергеев ялгась сонць аф содасы, мзярда ушедыхть ласькомать коряс соревнованиатне. Тянди результаткс арась ся, што судейский аппарат атак пуроптт, дистанциятне атак установиндакт.

Аф тыда цебарьста ащи тевсь Ельниковский районца (ВЛКСМ-нь райкомть секретарец Журавлев ялгась). Ты районць этафтф кросснень эса занязе фкя инь мекольдень вастть. И твниеньге анокламать работа аф мольфтеви.

ВЛКСМ-нь горкомтнени и райкомтнени, первичнай комсомольский организациятнени эряви сатомс сянь, штоба сембе комсомолецне улеыхть кроссонь участникс. Майть 25-це шинцты эрь организацияти эряви максомс соревнованьяса участвовандамсон колга заявкат, а ВЛКСМ-нь райкомтнени и горкомтнени аряви тиеме график, мзярда кона организациась кармай участвондама.

А. Драняев.



СНИМКАСА: Инсарский средний школань ученикне (види ширде кержити)—8 кл. «Г» ученицась Александрда Усыни-нась «Анис» вазнять мархта, конань мельге сон якай и Валентина Горбуновась 9-це классонь ученица «Знаменитый» вазнять мархта.



### Имба-читальнясь— видемать пингста

Рыбкина. Тундань видемать пингста районца аф кржа имба-читальня эсь работаснон ламода сяда цебяргофтозь.

Волгапина велень имба-читальня заведующий Фомин ялгась имба-читальня видеса 25 ломанца пуроптсь агит-бригада, конань членонца кемокстафт агит-массовой работань вятма полеводческий бригадатенди, синь обеденный перерывень пингста паксыя работай колхозникенди разнай темас тиендихть беседат, лувондыхть газетат.

Имба-читальняв эрь илять сашенды лама колхозник, конатненди сельскохозяйственной и лия темас моральневихть лекцият и тиендевихть докладт.

Тяда башка тьеса аф калдывста работайхть оборонный и художественный самодеятельности кружокне. ПВХО-нь кружоксь майть 1-це шпинцы аноклась лама значкист.

Тяфта жа образцовый эсь работаснон ладязь Усть-Рахмановка (избачсь Акчурин ялгась), Зайца (избачсь Чегодайкин ялгась) велень имба-читальнятневок. Ня читальнятне эсь работаснон вьтсась планкоре. Велеса сембе культурмассовой работась ётти синь руководствова ала.

Но, однак, районца улихть имба-читальнят, конат эсь функцияснон ёфси аф пашкоткшнесазь. Борко велень имба-читальнясь (избачсь ВЛКСМ-нь первичная организация секретарей Елисеев ялгась) культуратать эзда ёфси аердсь. Тяфта жа мезевок аф тиендихть Од Толку (избачсь Барашкин) Самозляйка (избачсь Петянин) велень имба-читальнятневок, а РОНО-сь тяфтама положенийланге вань равнодушнайста.

С. Метляков.

### СОРЕВНОВАНИЯТНЕ ЙОТАСТЬ ЦЕБЯРЬСТА

Майть 18-це шистонца Зуб.-Полянский районга ётасть пионеронь и школьниконь республиканский военно-физкультурный соревнованиятне.

Ведьгемонь кафта юноша и стирнятя шиня примасть участия ляцендемаса, физкультура, топография, связьса, ПВХО-нь и ГСО-нь тевса.

Сисем частса шовдава тирь ульсь ни заняф ляцендиень командат мархта. Пекинцы, Кузнецовсь и Шеляковсь ляцендемаса няфтть аф калдыв результатт. М. Пекинцы—46 очка, В. Кузнецовсь—43, Ю. Шеляковсь—43 очка.

Отличный результатт няфтсь физкультурный командась, коса руководителкс путфоль Елистратовась. Топографият содамань коряс соревнованиятне примафт отличнайке.

Эсь мастерстваснон и связьт содамашиснон няфтесь Зубунь средний школань ученикне Гатинцы и Макаровсь. Синь 11 минутаста передали 160 буква фьявок альбятксфтома. Тяфтама жа цебярь результатт няфтсь ученикне Соболевсь

и Боткинцы. Синь пингста 18 минута.

ГСО-ть коряс васенце командась: Е. Зининась, Е. Основинась, Д. Шлаковась и А. Соколовась васенце упражнения тиезь 2 минутаста 45 сек. Тяфта жа отличнайста тиезь васенце и омбоне упражнениятень омбоне группась—Л. Пьяновась, Л. Ратниковась, Л. Стружанцевась и Н. Казаковась.

ПВХО-нь васенце группат эса участвовандасть 3 ломатть: В. Пьянзия, Снегирев и Бриуль. Синь васенце упражнения тиезь 1 минт. и 2 сек.; омбоне упражненият Пьянзинцы тиезе 1 сек., а Снегиревсь и Бриульсь 1,2 сек. Колмоце упражненият Пьянзинцы тиезе 17 секундта, Снегиревсь 18, и Бриульсь 22.

Ня соревнованиятне пионерхнен и школьникнен ётка синге весть няфтесь сянь, конашкава кельгасзь жизнерадостнай школьникне военнай тевть и физкультура, конат арихть аф явштови палксокс коммунистический воспитаният эзда. Кремнев.

### РАБОТАЙХТЬ ФКЯ-ФКЯНЬ ЙОТАЗЬ

Паксянь работаса «Пятилетка» колхозонь комсомолецне ашихть васенце ряттень эса. Комсомолецне-сеяльщикне Пронькин Н. М., Неясов И. В. ялгатне эрь шиня выработкань норматнен пашкоткшнесазь вельф. Синь сменати 4,5 гектархнен васте витчихть 6 гектаронь.

Сеяльщикнен эзда ёфси аф иляткшнихть плугархневов Пронькин А. Г., Паршин А. В., Паршин В. И., Паршин Н. П. Ня ялгатне весновспашкаса выработкань норматнен пашкоткшнесазь 125—150 проценте.

Тяса трудонь оцю производительностьса работакшнихть Хилковский машинно-тракторная станциянь 15-це № брига-

дань трактористне Пронькин Л. А., Пронькин С. А. и Эрзин ялгатне. Синь эздост кажнайсь сменати 5,4 гектархнен васте сокки 7 лама гектаронь. Тракторхне колхозти марнек сокасть 87 гектар весновспашка.

Комсомолецнен и трактористтнен стахановский работаснон вельде колхозсь кунаракиге ни видежень равнай колхозной культурнай сёронзон: пинемда—80 гектар, тозерда—45 и цецевицда 16 гектар.

Комсомолецне поздний культурнай сёротнен видекасвоков работакшнихть нормань вельф пашкодезь.

Н. Пронькин.

Торбеевань район.

### ЧЛЕНСКИЙ ВЗНОСОНЬ ПАНДОМАСЬ— ВАЖНАЙ ТЕВ

Комсомольский членский взноснен воспитательнай значениясна пях ою. Синь эрь комсомолецт тиендсазь аккуратнайке, дисциплинированнайке.

Но Атиурьевский районца аф кржа первичнай комсомольский организациянь секретарьхть тьнди аф максихть кодамовок значения, а кой-коста вьне синь нарушандакшнесазь ВЛКСМ-нь ЦК-ть Инструкции и ВЛКСМ-ть уставонь.

Баранкова велень «Пролетарий» колхозонь первичнай комсомольский организацияс сембоц комсомолецта 9 ломатть, конатнен эзда аф кржась членский комсомольский взноснон паннесазь аф аккуратнайста. Кепоткшонди, комсомолецне: Роцинцы, Черакшевсь и Татаровсь членский взност ашеть панда 5—6 ковонокса. Комсомольский организацият секретарей Татаровсь тяфтама положенийт лувондсь нормальнайди. Татаровсь комсомолецнен кядьста взносонди кочкаф средстватнен сберкассава максесыне аф аккуратнайста. Игольден секретарь Явиш-

кинцы комсомольский взноснен эзда эстейнза присвоил 42 палк. 70 трешник, но сонь мархтонза мерат аф примосевихть.

Членский взносонь пандомаса пях калдывста ладяф тевсь Атерь велень средний школань комсомольский организацияса (секретарь Тишкин ялгась). Тя организациянь комсомолкаса - учительница Андряновась вов 4-це ковьне аф панни членский взност, а 10-це классонь учениксь Пивкинцы тя кизоня нинге ашезь панда фьявок трешник членский взнос.

Духонькина велень «Трудовой крестьянин» колхозонь комсомолецнен эзда кой-кит комсомолу сувамда меле взност нинге ашеть панда фьявок ковонокса, и тяфтама организациян аф дисциплинированностьт возглавляет сонць комсомольский организацият секретарей Лушкина ялгась.

Членский взносне аф аккуратнайста кочкесихть М. Козловка велень колхознай комсомольский организациясовок (секретарь Федоровсь). Тяфта-

ма жа положенийс Барашева велень комсомольский организацияса. Комсомольский организацият секретарей Васильевсь взносонди кочкаф ярмакнен сберкассава максесыне аф эсь пингстонза.

Членский взноснен эсь пингстост кочкамаснон тяфта жа эрявикшонди аф лувондсь ВЛКСМ-нь райкомське. Сон эсь бюронь заседаниясонза ня важнейшай кизефкснен ванондсьне пях шуроста, да эстонга эсь решениязон мархта первичнай организациянь секретарьхнен, комсомолецнен воспитандакшнесыне пях калдывста.

Кода вьре азф ни, районца ВЛКСМ-нь ЦК-ть инструкциян нарушандакшнесазь массовойста, но комсомолонь райкомть ревизионнай комиссия (председательс Анисимовсь) тя положенийт машфтомаса ёфси мезевок аф тиенди. Пях страна ся, што Анисимов ялгась районнай конференцияда меле нинге ашель фьявок первичнай комсомольский организацияса.

Работань тя важнейшай участкть эса ВЛКСМ-нь райкомсь эсь руководстванц должен ладямс живойста, оперативнайста.

К. Черакшев.



Сиднее ошса ульцясь (Австралия).

(Фотохроника).

## Европаса, Африкаса и Азияса войнась

(20-це майста военнай действиятнен дневниксна)

Англо-германский фронтса моли германский авиацият кой-кодама активносте. Кода корхтай германский сводкась, 20-це майнь карша веть германский бомбардировщикне атаковандазь портовой сооруженийтнен Англият южной и юго-восточнай побережьястонза. Англият маласа морять эса германский самолеттне тапасть фкя английский подводнай лодка.

\*\*\*

Средиземнай морять бассейнаса военнай действиятне сяда и сяда вишкомкшнихть. 19-це майста германский авиацият основной ударон ульсь ладяф Брит греческий островт ланге. Бомбардировандасть суднатне, конат ашеть Суда бухтат эса и аэродропне, конат ашихть островт эса. 20-це майста шовдава, азондсь Рейтер агентствась, ушедось Брит островт ланге нападенийс. Островти валгсь германский парашютнай войска. Английский даннайхнен коряс, ня войскатнен эзда палксьс машфнефт ни.

Севернай Африкаса, Тобрукть и Соллумть секторса, молихть кафьке ширетнен разведывательнай частьснон действиясна. Английский даннайхнен коряс, английский войскатне Соллумть стаки кирдсась эсь кядьсост. Английский авиациясь атаковандазь германский танкат. Лама танка лихтьф стройста и пях колаф. Тага бомбардировандазь Бенгази и Дернась. Итальянский самолеттне бомбардировандазь Мерса-Матрухть и Тобрукть.

Восточнай Африкаса, Абиссинияса, итальянский сопро-

тивлениятненди главнай рентракс лядсть Джиммась (Аддис-Абебать эзда юго-запайнширеса), коса, Рейтер агентствать даннайзон коряс, пуроптф 35-шка тежянь ломань, и труднодоступнай Гондарт районц (Тан озерат эзда север ширеса), коса лувондови 8 тежянь итальянец и несколько тежянь колониальный войскань солдат. Сяда ви бойхть молихть Гондарт районца. Рейтер агентствать дипломатический обозревательс сёрмады, што Амба-Алагаса итальянецнен сопротивленийснон лоткафтома и Аоста герцогть прань макеомак фактически ашихть Абиссинияса кампаниятнен аделамакс. Тяфта, корхтай сон, английский лама вихне, конат улихть освобожденнайхть Абиссинияста, тихть решающей влияния аф аныцек ливийский пустыняса военнай действиятненди, но и Иракса и Сирияса операциятненди.

\*\*\*

Иракса английский войскатне занязь Эль-Фалуджат. Тя ошсь ащи Ефрат лять лангса Хаббаният эзда восток шири. Сонь пачканза ётайхть Багдадта китне. Иракский авиациясь стаки тиенди налетт Хаббаният аэродромонц ланге, английский войскатнен, броневомобильхнен и грузовикхнен ланге. Иракский артиллериясь, корхтави иракский сообщеният эса, ляцендсь английский кафта канонеркатнен ланге и кошардозень синь Тигр лять эзда тума. Английский авиациясь бомбардировандазь Иракса и Сирияса аэродропнен.

(ТАСС).

### Юкстазь антирелигиознай работат

Аф ваномок велень населеният ётка антирелигиознай работат оцю значениянц ланге, Сире Рябка велеса ёфси юкстаф тя пях важнай и почетнай тевсь. Тяса пинголе цебярьста работась СВБ-нь ячейкась, вьтевь антирелигиознай работа населеният ётка разнай докладонь, беседа и лекциянь тиендезь, а мекольден

пингть тя почетнай тевти аф шарфни мяль комсомольский организацияське.

Колхознай од ломаттнен оцю мяльсена улемс СВБ-нь ячейкаса членкс.

И. Клоков.

С-Синдровский район.

Ответ. редакторсь

И. ЧУДАЙКИН.